



Broj: 03-34-428/23-15  
Mostar, 04.12.2023. godine

Na osnovu člana 26. i 27. Zakona o visokom obrazovanju u Hercegovacko-neretvanskom kantonu („Službene novine HNK“, broj: 04/12) i člana 18. Pravilnika o akreditaciji visokoškolskih ustanova i studijskih programa („Službene novine HNK“, broj: 04/14), rješavajući po zahtjevu visokoškolske ustanove Univerziteta „Džemal Bijedić“ u Mostaru, broj: 101-1-645/23 od 28.02.2023. godine, a na osnovu Preporuke Agencije za razvoj visokog obrazovanja i osiguranje kvaliteta, broj: 05-33-1-288-6/23 od 22.11.2023. godine, ministar Ministarstva obrazovanja, nauke, kulture i sporta, **d o n o s i**

**R J E Š E N J E**  
**O INSTITUCIONALNOJ AKREDITACIJI VISOKOŠKOLSKE USTANOVE**  
**Univerzitet „Džemal Bijedić“ u Mostaru**

**I.**

Izdaje se Rješenje o institucionalnoj akreditaciji visokoškolskoj ustanovi Univerzitet „Džemal Bijedić“ u Mostaru.

**II.**

Rješenje o institucionalnoj akreditaciji izdaje se na rok od četiri (4) godine.

**III.**

Obavezuje se visokoškolska ustanova Univerzitet „Džemal Bijedić“ u Mostaru da šest (6) mjeseci prije isteka roka iz tačke II. ovog Rješenja podnese zahtjev za obnavljanje akreditacije.

**IV.**

Rok iz tačke II. Ovog Rješenja počinje da se računa od dana pravosnažnosti rješenja.

***O b r a z l o ž e n j e:***

Visokoškolska ustanova Univerzitet „Džemal Bijedić“ u Mostaru, podnijela je Ministarstvu obrazovanja, nauke, kulture i sporta Hercegovacko-neretvanskog kantona zahtjev za institucionalnu akreditaciju, broj: 101-1-645/23 od 28.02.2023. godine.

Zaprimljeni zahtjev sa popratnom dokumentacijom Ministarstvo je dostavilo Agenciji za razvoj visokog obrazovanja i osiguranje kvaliteta Bosne i Hercegovine sa prijedlogom za imenovanje članova Komisije stručnjaka.

Postupajući po prijedlogu Ministarstva obrazovanja, nauke, kulture i sporta Hercegovacko-neretvanskog kantona, Agencija za razvoj visokog obrazovanja i osiguranje kvaliteta Bosne i Hercegovine je donijela Rješenje o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove, broj: 05-33-1-288-2/23 od 05.07.2023. godine.

Na osnovu Izvještaja i Mišljenja Komisije domaćih i međunarodnih stručnjaka koji daju ocjenu i obavljaju reviziju kvaliteta i davanja preporuke o akreditaciji visokoškolske ustanove da visokoškolska ustanova Univerzitet „Džemal Bijedić“ u Mostaru ispunjava propisane uslove za akreditaciju, Agencija za razvoj visokog obrazovanja i osiguranje kvaliteta Bosne i Hercegovine donijela je Preporuku o akreditaciji broj: 05-33-1-288-6/23 od 22.11.2023. godine i istu dostavila na daljnje postupanje Ministarstvu obrazovanja, nauke, kulture i sporta Hercegovačko-neretvanskog kantona.

U skladu sa Izvještajem i Mišljenjem Komisije, kao i Preporukom Agencije za razvoj visokog obrazovanja i osiguranje kvaliteta Bosne i Hercegovine, Ministarstva obrazovanja, nauke, kulture i sporta Hercegovačko-neretvanskog kantona je cijeniilo da su ispunjeni svi propisani uslovi za izdavanje institucionalne akreditacije podnositelju zahtjeva.

Imajući u vidu naprijed navedeno odlučeno kao u dispozitivu ovog Rješenja.

Po jedan primjerak ovog Rješenja dostavlja se visokoškolskoj ustanovi Univerzitetu „Džemal Bijedić“ u Mostaru i Agenciji za razvoj visokog obrazovanja i osiguranje kvaliteta BiH u cilju poduzimanja radnji i mjera propisanih Okvirnim zakonom o visokom obrazovanju u Bosni i Hercegovini, Zakonom o visokom obrazovanju Hercegovačko-neretvanskog kantona i Pravilnikom o akreditaciji visokoškolskih ustanova i studijskih programa Hercegovačko-neretvanskog kantona.

#### **Pouka o pravnom lijeku:**

Protiv ovog Rješenja može se podnijeti žalba Vladi Hercegovačko-neretvanskog kantona u roku od trideset (30) dana od dana prijema istog. Žalba se podnosi putem Ministarstva obrazovanja, nauke, kulture i sporta Hercegovačko-neretvanskog kantona.

Dostaviti:

1. Univerzitet „Džemal Bijedić“ u Mostaru  
Sjeverni logor b.b., 88104 Mostar,
2. Agencija za razvoj visokog obrazovanja i osiguranje kvaliteta BiH,  
Ul. akademika Jovana Surutke 13, 78 000 Banja Luka,
3. a/a.

